



Na osnovu člana 22 Statuta Brčko distrikta BiH (Službeni glasnik Brčko distrikta BiH, broj 17/08), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08), i Prijedloga odluke gradonačelnika broj: 01.1-02-012543/09 od 7. 7. 2009. godine, Skupština Brčko distrikta BiH, na 11. redovnoj sjednici, održanoj 26. augusta 2009. godine, donijela je

O D L U K U
O PROCEDURAMA U POSTUPKU USKLAĐIVANJA PROPISA
BRČKO DISTRIKTA BOSNE I HERCEGOVINE SA
ACQUIS COMMUNAUTAIRE

DIO PRVI-OSNOVNE ODREDBE

Član 1
(Predmet)

Odlukom o procedurama u postupku usklađivanja propisa Brčko distrikta Bosne i Hercegovine sa **ACQUIS COMMUNAUTAIRE** (u daljnjem tekstu: Odluka) uređuje se planiranje, organizacija poslova i procedura usklađivanja propisa Brčko distrikta Bosne i Hercegovine (u daljnjem tekstu: Distrikt) sa *acquis communautaire* (u daljnjem tekstu: *acquis*) koje predlažu organi javne uprave i druge institucije Brčko distrikta BiH.

Član 2
(Pojam)

- (1) Pod propisima, u smislu ove odluke, podrazumijevaju se: zakon, poslovnik, odluka, uputstvo, pravilnik, instrukcija i drugi opći pravni akti.
- (2) Pod terminom *acquis* podrazumijeva se ukupnost svih propisa Evropske unije, odnosno pravna stečevina Unije, koji je podijeljen na 35 poglavlja.

Član 3
(Primjena)

Organi zakonodavne, izvršne i sudske vlasti Distrikta (u daljnjem tekstu: organi Distrikta) dužni su se starati o poštivanju i usaglašavanju propisa sa *acquis-om* tokom cijelog procesa planiranja, pripreme i izrade nacрта propisa.

DIO DRUGI - IZRADA PROPISA

GLAVA I - IZRADA PROPISA

Odjeljak A - Planiranje procesa usklađivanja propisa

Član 4 (Planiranje usklađivanja propisa)

- (1) Organi i institucije Distrikta u godišnji program rada obavezno unose i plan izrade novih i izmjene postojećih propisa u cilju usklađivanja propisa Distrikta sa *acquis* -om (u daljnjem tekstu: plan).
- (2) Plan se zasniva na obavezama utvrđenim u Akcionom planu za sprovođenje Sporazuma o stabilizaciji i pridruživanju i Privremenom sporazumu, Akcionom planu za realizaciju prioriteta iz dokumenta Evropsko partnerstvo, kao i drugih preuzetih obaveza u procesu evropskih integracija.
- (3) Plan iz stava 2 ovog člana dostavlja se Odsjeku za evropske integracije Sektora za pravne poslove Vlade Brčko distrikta BiH (u daljnjem tekstu: Odsjek).

Odjeljak B - Obaveze radne grupe i Odsjeka

Član 5 (Obaveze radne grupe i Odsjeka)

- (1) Radna grupa za izradu propisa (u daljnjem tekstu: radna grupa) dužna je obavijestiti Odsjek o početku izrade propisa i dostaviti teze za izradu propisa.
- (2) Na osnovu teza za izradu propisa, Odsjek sačinjava listu propisa iz *acquis* -a (u daljnjem tekstu: lista propisa EU) koji regulišu materiju propisa Distrikta koji se izrađuju.
- (3) Odsjek dostavlja radnoj grupi propise sa liste propisa EU, sa izmjenama i dopunama, na jednom od službenih jezika Evropske unije ili na jednom od službenih jezika u Bosni i Hercegovini, pod uslovom da postoji zvaničan prevod propisa.

Odjeljak C - Usklađivanje propisa sa *acquis* -om

Član 6 (Analiza propisa EU)

- (1) Prilikom izrade propisa, radna grupa vrši analizu pojedinačnih propisa definisanih u listi propisa EU iz člana 5 stava 2 i utvrđuje koji se dijelovi trebaju implementirati.
- (2) Analizom se vrši identifikacija obaveznih i neobaveznih odredaba pojedinačnih propisa iz stava 1 ovog člana.

Član 7 (Implementacija odredaba u propis)

Na osnovu analize iz člana 6 stava 2 ove odluke, radna grupa implementira obavezne odredbe u propis i sagledava potrebu implementacije neobaveznih odredaba.

Član 8 **(Uporedni prikaz i Izjava o usklađenosti)**

- (1) Radna grupa dužna je sačiniti uporedni prikaz podudaranja odredbi propisa sa *acquis-om* (u daljnjem tekstu: uporedni prikaz) i dati izjavu o usklađenosti normativnog akta sa *acquis -om* (u daljnjem tekstu: Izjava o usklađenosti).
- (2) Uporedni prikaz i izjava o usklađenosti sačinjavaju se na obrascu koji je sastavni dio ove odluke (Prilozi 1 i 2).

Član 9 **(Analiza uticaja)**

- (1) Radna grupa sačinjava analizu uticaja prilikom usklađivanja propisa s propisima EU.
- (2) Analiza uticaja definiše:
 - a) pravnu posljedicu preuzimanja *acquis-a*;
 - b) strukturu i način organizovanja organa Distrikta nadležnog za implementaciju propisa;
 - c) dodatna porezna i fiskalna opterećenja;
 - d) budžetske implikacije;
 - e) ostale posljedice.

Odjeljak D - Provjera usklađenosti

Član 10 **(Provjera i potvrda usklađenosti)**

- (1) Odsjek vrši provjeru i potvrdu usklađenosti propisa na osnovu uporednog prikaza, izjave o usklađenosti i analize uticaja.
- (2) Nakon provjere i potvrde usklađenosti Odsjek daje:
 - a) pozitivno mišljenje, ukoliko je primijenjena metodologija usklađivanja i izvršena implementacija odredaba s propisom *acquis -a*;
 - b) uslovno pozitivno mišljenje, ukoliko je primijenjena metodologija usklađivanja, ali nije izvršena potpuna implementacija sa propisom *acquis -a*;
 - c) negativno mišljenje, ukoliko nije primijenjena metodologija usklađivanja propisa.

Član 11 **(Sastavni dijelovi prijedloga nacrt propisa)**

Prijedlog nacrt propisa, u smislu ove odluke, obavezno sadrži:

- a) mišljenje Odsjeka;
- b) uporedni prikaz;
- c) izjavu o usklađenosti;
- d) analizu uticaja.

DIO TREĆI - PRELAZNE I ZAVRŠNE ODREDBE

Član 12
(Stupanje na snagu i primjena Odluke)

Ova odluka stupa na snagu osmog dana od dana objavljivanja u Službenom glasniku Brčko distrikta BiH, a ima se primjenjivati po isteku 90 dana od dana stupanja na snagu.

Broj: 01-02-107/09
Brčko, 26. 8. 2009. godine

PREDSJEDNIK
SKUPŠTINE BRČKO DISTRIKTA BiH

Mirsad Đapo, dipl. pravnik

Dostavljeno:

1. Predsjedniku
2. Dopredsjedniku
3. Gradonačelniku
4. Sekretarijatu Vlade – Sektoru za opće poslove
5. Sekretarijatu Vlade - Sektoru za pravne poslove
6. Arhivi